

410 kunde ir līp vil wol gereizen.
 ir engesāhet nie āmeizen,
 diu bezzers gelenkes pfac,
 denne si was, dā der gūrtel lac:
 5 **Daz gab ir gesellen**
 Gawane manlich ellen.
 si tūwerte mit im in der nōt.
 sīn benantez gīsel was der tōt
 unt anders dechein gedinge.
 10 Gawanen wac vil ringe
 viende haz, swenn er die magt erkōs;
 dā von ir vil den līp verlōs.
 Dō kom der kūnec Vergulaht.
 der sach die strīteclīchen maht
 15 gegen Gawane kriegen.
 ich enwolt iuch denne triegen,
 sōne mag ich in niht beschōnen,
 ern welle sich selben hōnen
 an sīnem werden gaste.
 20 der stuont ze wer al vaste.
 Dō tet der wirt selbe schīn,
 daz mich riwet Gandin,
 der kūnec von Anschouwe,
 daz ein sō werdiu vrouwe,
 25 sīn tohter, ie den sun gebar,
 der mit ungetriwer schar
 sīn volc bat sēre strīten.
 Gawan muose bīten,
 unze der kūnec gewāpent wart;
 30 er huop sich selbe an strītes vart.

vil *om.* *G (*nur GL*) *T
 trūrte (rūrte I) *G (*ohne OZ*)
 haz, dō er *G (*nur G*)
 ichne welle *G (*nur G*)
 unze daz der *T
 der h. *G (*nur GI*)

*D: D *m: m *G: G I O L Z *T: T U V

3 Initiale O L Z **5 Initiale D I** **13 Initiale m T U · Majuskel D** **17 Initiale V** **19 Initiale I** **21 Initiale D**

1 vil] *om.* *m 16 denne] gerne *m